

**ԿԱՆՈՆԱԿԱՐԳ**  
**«ՇԻՐԱԿԻ Մ. ՆԱԼԲԱՆԴՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ»**  
**ՀԻՄՆԱԴՐԱՄԻ ՌԵԿՏՈՐԱՏԻ**

**1. ԸՆԴՀԱՆՈՒՐ ԴՐՈՒՑԹՆԵՐ**

- 1.1. Սույն կանոնակարգը սահմանում է «Շիրակի Մ. Նալբանդյանի անվան պետական համալսարան» հիմնադրամի (այսուհետ՝ Համալսարան) ռեկտորատի (այսուհետ՝ Ռեկտորատ) կարգավիճակն ու իրավասությունները, ձևավորման կարգը և աշխատակարգը:
- 1.2. Սույն կանոնակարգի մշակման համար հիմք են հանդիսացել «Բարձրագույն և հետբուհական մասնագիտական կրթության մասին» ՀՀ օրենքը, «Շիրակի Մ. Նալբանդյանի անվան պետական համալսարան» հիմնադրամի կանոնադրությունը և այլ իրավական ակտեր:

**2. ՌԵԿՏՈՐԱՏԻ ԿԱՐԳԱՎԻՃԱԿԸ ԵՎ ԻՐԱՎԱՍՈՒԹՅՈՒՆՆԵՐԸ**

- 2.1. ՇՊՀ-ի ռեկտորատը ռեկտորին կից խորհրդակցական մարմին է, որը ձևավորվում է ռեկտորի հրամանով:
- 2.2. Ռեկտորատը ՇՊՀ-ի հոգաբարձուների խորհրդի և գիտական խորհրդի նիստերի միջև ընկած ժամանակահատվածում քննարկում է ՇՊՀ-ի գործունեության ոլորտներին վերաբերող հարցեր:
- 2.3. Ռեկտորատի նիստերը հրավիրվում են ըստ անհրաժեշտության՝ ռեկտորի կողմից սահմանված ժամկետներում և օրակարգով:

**3. ՌԵԿՏՈՐԱՏԻ ՁԵՎԱՎՈՐՄԱՆ ԿԱՐԳԸ**

- 3.1. Ռեկտորատի անվանական կազմը հաստատում է ՇՊՀ-ի ռեկտորը:
- 3.2. Ռեկտորատի կազմի մեջ ի պաշտոնե մտնում են ռեկտորը, Ուսումնամեթոդական գործընթացի կառավարման կենտրոնի պրոռեկտոր-տնօրենը, Պրոռեկտոր-աշխատակազմի ղեկավարը, գիտական քարտուղարը, կենտրոնների տնօրենները, ֆակուլտետների ղեկանները, ռազմական ամբիոնի պետը, արհեստակցական միության նախագահը:
- 3.3. Ռեկտորի որոշմամբ Ռեկտորատի կազմում կարող են ընդգրկվել նաև ՇՊՀ-ի կառուցվածքային ստորաբաժանումների ղեկավարներ:

#### 4. ՌԵԿՏՈՐԱՏԻ ԱՇԽԱՏԱԿԱՐԳԸ

- 4.1. Ռեկտորատի նախագահը համալսարանի ռեկտորն է:
- 4.2. Ռեկտորատի նախագահը.
  - 4.2.1 հրավիրում և վարում է Ռեկտորատի նիստը,
  - 4.2.2 բացելով Ռեկտորատի նիստը՝ տեղեկատվություն է տրամադրում քվորումի առկայության վերաբերյալ, հայտարարում է նիստի օրակարգը, սահմանում օրակարգի հարցերի քննարկման ընթացակարգը և հաջորդականությունը,
  - 4.2.3 հաստատում է Ռեկտորատի նիստերի արձանագրությունը:
- 4.3. Ռեկտորատի քարտուղարը ՇՊՀ-ի գիտական քարտուղարն է:
- 4.4. Ռեկտորատի քարտուղարը.
  - 4.4.1 ռեկտորատի նիստից առաջ Ռեկտորատի անդամներին տեղեկացնում է նիստի և նրա օրակարգի մասին,
  - 4.4.2 կազմում է Ռեկտորատի նիստերի արձանագրությունները,
  - 4.4.3 եռօրյա ժամկետում կազմում է ռեկտորատի որոշումների հիման վրա տրվելիք հրամանների նախագծերը,
  - 4.4.4 ընդունած որոշումները հնգօրյա ժամկետում հանձնում է Մարդկային ռեսուրսների կառավարման, փաստաթղթաշրջանառության և իրավական ապահովման բաժին՝ նշելով առաքման հասցեները,
  - 4.4.5 պահպանում է արձանագրությունների, ընդունած որոշումների բնօրինակները:
- 4.5. Ռեկտորատի անդամները.
  - 4.5.1 որոշման նախագիծ ներկայացնելիս ապահովում են հարցին առնչվող կառուցվածքային ստորաբաժանումների ղեկավարների գրավոր կարծիքը,
  - 4.5.2 քննարկում և առաջարկություններ են ներկայացնում որոշումների նախագծերի վերաբերյալ,
  - 4.5.3 իրավունք ունեն լրացուցիչ հարցեր առաջադրելու ռեկտորատի քննարկմանը՝ պահպանելով սահմանված կարգը,
  - 4.5.4 ընդհանուր կազմի առնվազն մեկ երրորդի պահանջով կարող են հրավիրել ռեկտորատի նիստ:
- 4.6. Ռեկտորատի նիստն իրավագոր է, եթե մասնակցում են նրա անդամների երկու երրորդը:
- 4.7. Ռեկտորատում որոշումներն ընդունվում են ռեկտորատի անդամների ձայների պարզ մեծամասնությամբ՝ բաց քվեարկությամբ:
- 4.8. Ռեկտորատի որոշմամբ Ռեկտորատի նիստերին խորհրդակցական ձայնի իրավունքով կարող են մասնակցել քննարկվող հարցերին առնչվող այլ մասնագետներ:
- 4.9. Ռեկտորատի նախագահի բացակայության դեպքում՝ վերջինիս պարտականությունները կատարում է ռեկտորի հրամանով համապատասխան

լիազորություններ ստացած ռեկտորատի անդամը:

4.10. Ռեկտորատի որոշումներն ունեն խորհրդատվական բնույթ և կարող են դրվել ռեկտորի կողմից կայացվող որոշումների հիմքում:

4.11. Ռեկտորատի նիստերն արձանագրվում են ռեկտորատի քարտուղարի կողմից:

4.11.1 ռեկտորատի նիստի արձանագրությունում նշվում են նիստի անցկացման ամսաթիվը, նախագահը, քարտուղարը, քվեակազմը, նիստի օրակարգը, ելույթների հիմնական դրույթները, քվեարկության դրված հարցերի բովանդակությունը, քվեարկության արդյունքները և ռեկտորատի կողմից ընդունված որոշումները,

4.11.2 ռեկտորատի նիստերի արձանագրությունները ստորագրվում են ռեկտորատի բոլոր անդամների կողմից, իսկ որոշումները՝ նախագահի և քարտուղարի կողմից:

## 5. ԵԶՐԱՓՈՒԿ ԴՐՈՒՅԹՆԵՐ

5.1 Սույն կանոնակարգը, վերջինիս մեջ փոփոխություններն ու լրացումները հաստատվում են Գիտական խորհրդի որոշմամբ: